

Empat Emas MTE 2011 milik UniMAP



Universiti Malaysia Perlis (UniMAP) berkongsi kedudukan tempat ketiga bersama Universiti Putra Malaysia (UPM) apabila memperoleh empat pingat emas dalam Malaysia Teknologi Expo (MTE) ke - 10, 2011 yang diumumkan di sini, malam tadi. Mendahului di tempat pertama dan kedua ialah Universiti Teknologi Malaysia (UTM) dengan 14 pingat emas dan Universiti Teknologi MARA (UiTM), 6 pingat emas. Selain itu, UniMAP turut meraih tujuh perak dan 16 gangsa dari 36 produk yang dipertandingkan.

Emas UniMAP diperolehi melalui produk Nano-Biochip By Size Expansion Technique For Label Free Detection oleh Prof. Dr. Uda Hashim, Dried Chili Seed Separating Machine oleh Shayfull Zamree Abd. Rahim, Modified Double Weight (MDW) Code For OCDMA FTTH Network Using FPGA Based oleh Prof Dr Syed Alwee Aljunid Syed Junid dan produk Switched Parasitic Patch Antenna Array For Smart Antenna Application oleh Dr. Mohd Fareq Abd Malek.

Lebih membanggakan lagi, UniMAP turut menerima lima anugerah khas, yang masing-masing diraih oleh produk Nano-Biochip By Size Expansion Technique For Label Free Detection oleh Prof. Dr. Uda Hashim yang memenangi anugerah "Best Biotech Award".

Dried Chili Seed Separating Machine, Shayfull Zamree Abd. Rahim, pula dianugerahkan anugerah Khas, 'Grand Award' dari kerajaan Korea. Tidak ketinggalan, Modified Double Weight (MDW) Code For OCDMA FTTH Network Using FPGA Based, Prof Dr Syed Alwee Aljunid Syed Junid, PPK Komputer dan Perhubungan pula dinobatkan sebagai 'The Very Best Award' dalam ekspso tersebut.

Dua lagi anugerah khas, 'Special Award Korea', dan 'Special Award Croatia' masing-masing diberikan kepada produk Power Generation Roof Ventilator oleh Prof. Dr. Ismail Daut dan A Novel Green Cement oleh Mohd Mustafa Al Bakri Abdullah dari PPK Bahan. Naib Canselor UniMAP, Brig. Jeneral Dato' Prof. Dr. Kamarudin Hussin melahirkan rasa syukur di atas pencapaian yang diperolehi oleh penyelidik muda UniMAP.

"Walaupun kita berada di kedudukan ketiga bersama UPM di belakang UTM, dan UiTM, namun UniMAP tetap mempunyai kelebihan menjadi antara universiti termuda yang berada di kedudukan tiga yang terbaik. Ini sekaligus membuktikan bahawa produk penyelidik muda UniMAP mempunyai potensi besar untuk diketengahkan kelak."